



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

8772

483441

Rés. 8493621



3779

Vridaire



Auquel le Disciple demans
de au Maistre choses obscures
et merueilles les touchât
les faitz de Dieu. Et il luy
en donne bonne response et vtile. * *







Vant a parler de noblesse Spirituelle)
cest la plus grant noblesse qui soit & que
hōme puisse auoir: cest dauoir son cuer
et son affection a son createur. Et daes
querir congnissance de luy & de ses or-
donnances. Comme pourquoy il fist
les anges / l'homme et la femme / maria-
ge / paradis et enfer / et ou ilz sont / et pourquoy il voulut naî-
stre de la vierge Marie / & q̄ signifient ses faitz & ses oeuvres.
Et aussi de l'entecrist / et des trespassez. Et comment on se
doibt confesser et a qui. Or enquerons doncques de ses chos-
ses / comme faiet le disciple qui demande a son maistre.
Et le maistre respond a ses demandes.

¶ Icy demande le Disciple a son Maistre
choses obscures et merueilleuses.



Maistre quelle chose est
dieu. Mon enfant cest vne chose spirituelle
en qui toute dignite et toute perfection est:
tout sachant et tout puissant et tousiours
durant sans fin et sans commencement dans
tre / et si ne peult estre mesure ne comprins d'homme / et si est
des plus que nulle creature / si que nul ne peult estre saoule
de le veoir / ne sa grāt beaulte ne pour oit estre estimee / ne sa
digne puissance ne peult estre comprise d'aucun entendement.
tant est grāde / & plus sain de toute bête / pitie et misericorde.
¶ Maistre ne peult il estre que vng seul dieu. Mon enfant
nennuy: car si estoit plusieurs dieux / chascun seroit tout puis-
sant / et adonc pourroient il faire choses contraires l'ung a
l'autre / qui est cōtre nature divine si quil ne peult estre que

Bne substance et Bne essence diuine qui est principale cause efficiente de toutes choses / et est le souuerain bien auquel tout cuer desire paruenir lequel entendement humain ne peult comprendre ne ymager.

¶ Maistre pourquoy est dieu appelle pere. Mon enfant car l'engendremēt appartient principalement au pere plus que a la mere parquoy l'on doit attribuer a Dieu la plus principale partie.

¶ Maistre pourquoy n'appellons nous la secōde personne de la trinite aussi bien fille comme filz. Mon enfant pource que le filz est de plus vigoureuse nature: car il print nature humaine en forme d'homme et non pas de femme.

¶ Maistre pourquoy n'est appelle le saint Esperit filz du pere et du filz / et que le filz fust appelle mere. Mon enfant cest pource quil procede et descent aussi principalement de l'un comme de l'autre.

¶ Maistre du estoit dieu deuant quil fist le monde. Mon enfant il n'estoit en nul lieu corporel: car nulle chose estoit fors luy tant seulement / mais estoit en soy mesmes pere et filz et saint Esperit Bne mesme essence.

¶ Maistre ou est il maintenant. Mon enfant dieu ne cepe point de lieu / mais sa puissance infinie est par tout: car il gouuerne les choses qui sont en orient et celles qui sont en occident: et generallyment tout le monde / et par ce dist on quil est en tous temps & en tous lieux & en toutes choses.

¶ Maistre scait dieu toutes choses. Mon enfant ouy / ainsi quil est tout puissant aussi est il tout sciant et tout voyant.

¶ Maistre en quelle maniere fit dieu les anges. Mon enfant il les fit beaulx & reuissans / sans corps & plains de maniere de seules bontes & sages pour estre les principaux ministres.

¶ Maistre comment pecherēt les anges que dieu auoit faitz a sa semblance. Mon enfant ilz ne rēdrēt pas graces a dieu

de la grât grace & souveraine beaute que il leur auoit dōnee/
mais ilz sen orguillierent en mescongnouissant leur createur.
Maistre cōment leur en aduint il. Non enfant les plus
grans maistres deusy cheurēt en enfer: & les aultres entour
de nous/et les aultres en lair.

Maistre pourquoy ne descendirent ilz tous ensemble en
enfer. Non enfant pource que les vngz pecherēt plus grief-
uement que les aultres/et aussi il en demoura icy entour
nous/et en lair pour esprouner les saintes personnes.

Maistre pourquoy ne les rachepa Jhesuchrist cōme les
hommes. Non enfant pource que les anges sont de plus
forte matiere & sans corps & pecherent de leur propre malice
et vōlente sans aucune tētation daultre: & aussi car l'ang-
ture angelique se quertist vne foyz tant seullemēt a bien dū
a mal: si que quant cest conuertie en l'ung ne se pentt quertir
en laultre. Parquoy ilz neussent iamais faict bien.

Maistre pourquoy ne les fit ilz qu'ilz ne peussent pecher.
Non enfant affin que par leur merite ilz eussent grace et
gloire par durable en paradis.

Maistre quant dieu scanoit bien que ilz pecheroyēt pour
quoy les fit il. Non enfant pour distinguer les bons des
maulvais & affin que les bons soyent plus 2fermez en bōte/
cōme le paintre qui seme le noir et aultres mauuaises cō-
leurs entre les belles pour les faire monstrier plus belles: en
cette maniere souffre Dieu les mauuais entre les bons/et
aussi fit Dieu les diables pour epecuter et pour punir les
mauuais & miserables pecheurs de ce monde: & fit paradis
et les anges pour glorifier les bons.

Maistre scainēt les diables toutes choses. Non enfant
de tāt que leur nature est plus spirituelle que nature d'homme
de tant font ilz plus subtils et plus sages et scainent toutes
choses passēs: mais des choses aduenir nen scainent riens

si ce n'est par aucunes coniectures / comme du deffault de la lune et de telz semblables: mais des pensees de l'homme ne scauent riens / fors Dieu tant seullement.

¶ Maistre peuent ilz faire ce qu'ilz veulent. Non enfant ilz ne peuent faire nul bien: mais ilz peuent faire beaucoup de mal / non pas tant qu'ilz voulsroyent: mais ce que Dieu leur souffre et permet.

¶ Maistre les bons anges peuent ilz pecher. Non enfant quant les mauuais anges cheurent de paradis par leur peche les bons furent tellement confermez en bien que oncques despuis neurent volente de faire mal.

¶ Maistre scauent ilz toutes choses & peuent ilz tout. Non enfant ilz scauent toutes choses come ie lay maintenant dit des mauuais anges & font ce q'ilz veulent a vouloir & cōmā demēt de dieu / car cōtre le vouloir de dieu ilz ne peuent riens.

¶ Maistre pourquoy fit dieu homme et femme. Non enfant pour le congnoistre et aymer / et pour remplir paradis. Et aussi pour les mettre es lieux des mauuais anges en paradis / lesquelz ilz ont perdu par leur maudīt orgueil & mescongnoissance.

¶ Maistre de quoy fit dieu l'homme & la femme. Non enfant ilz les fit du limon de la terre. Et saches mon enfant que le corps humain est des quatre elemens qui sont la terre / le air / le feu. Si que la chair respōd a la terre / le sang a leau / le souffre a l'air / & la chaleur naturelle au feu: & saches aussi mon enfant que l'homme est fait a la semblāce du monde. Car comme le ciel a deux grans luminaires qui sont le soleil & la lune: aussi l'homme a deux luminaires en la teste / q sont ses deux yeulx. Et cōme au ciel a sept planettes / aussi l'homme a sept pertuyx en la teste. Et comme la mer recoit en soy toutes choses. Aussi le vêtre treant en soy toutes choses necessaires a la vie de l'homme. Et a la duree des pierres respōd

sent les oz & les ongles. Et aux arbrs respōdēt les mēbres
du corps. Et aux herbes les cheueux. Dūches aussi mon
enfant que le corps de l'homme n'est autre chose que vng ar-
bre renuerse ayant les racines contremont / si que les che-
ueux sont les racines / & le corps le tronc & les bras et iams
bes sont les branches. Desquelles choses signifient que nous
deuons tous estre enracinez contremont au ciel en l'amour
de dieu nostre createur & redempteur Jhesuchrist.

L Maistre pourquoy fut faicte la femme de la cosse de adā
plus tost que d'autre partie. **R** Mon enfant se la femme fut fai-
cte de la plus haulte partie de l'homme elle en eust este trop fie-
re & eust meprise l'homme / & selle eust este de la plus basse par-
tie l'homme leust desprīee. Parquoy elle fut formee du mi-
lieu affin que l'homme la tint pour sa compaignie.

L Maistre de quoy fit dieu l'ame de l'homme & de la femme.
R Mon enfant il la fit a la semblance: car l'ame est vne substā-
ce spirituelle ayant entendement & remembrance.

L Maistre fit dieu l'homme & la femme de ses propres mains.
R Mon enfant il les fit tant seulement de son entendement.

L Maistre pourquoy fit dieu l'homme de si vile matiere. **R**
Mon enfant affin qu'il en soit plus humble et affin que le diable
soit plus confus voyant l'homme faict de vile matiere estre
en paradis dont il cheut par son orgueil.

L Maistre pourquoy fit dieu les bestes. **R** Mon enfant dieu
a faict les bestes affin q̄ l'homme s'en aidast a son besoing. Et
a faict les mauuaises & meschantes pour abatre l'orgueil
de l'homme: car quant elles luy nuyent il penst bien penser
que cest peu de chose que de soy quant il ne leur peult resis-
ter. Aussi sont faictes plusieurs bestes pour nous donner
bon exemple de viure / comme les formis et vraygues
qui continuellement travaillent en leurs operations &
l'exemple desquelles nous deuons tousiours travailler.

Et saches quil n'est aucune beste qui n'ayt en soy aucune
merueille en nature dont nous en deuons louer dieu. Et si
deuons prendre exemple a leurs bones cōditions cōme dit
la sainte escripture/et dit aussi. Respicite Volatilia celi &c.
cest adire. Regarde les oyseaulx du ciel qui sont pourueus
de la pourueance de Dieu/et nont pas paour que dieu leur
faille/mais vinent tousiours en bonne esperance en souant
dieu & en attendant sa misericorde/a quoy nous deuons pre
ndre exemple. Et de raison nous le deuons faire plusloist que
les bestes qui nont sens ny entendemēt/Ven les grans gra
ces que dieu nous a faictes qui sommes faitz a son ymage &
semblance/et rachetez de son precieus sang/et quil nous
donne tant de biens en ce monde/tellemēt que toutes bestes
plantes/arbres/terre & mer/planettes et estoilles/et toutes
autres choses sont faictes pour seruir a l'homme & a son profit
et vtilite. Et encores plus il nous a apreste son benoist
royaume de paradis si nous voulons/duquel la moindre
gloire surmonte toutes les ioyes de ce mōde. Parquoy dās
mon enfant l'homme est bien a blasmer qui mesconnoist son
createur qui tant de si grans graces luy a faictes/Ven q̄ les
bestes qui nont sens nentendement le louent et remercient
en demandāt benignemēt sa tresdigne grace & misericorde.
Maistre on fut Adam cree. Mon enfant il fut cree en
ebon et puis fut pansé en paradis terrestre.

Maistre quelle chose est Paradis terrestre et ou est il.
Mon enfant cest un lieu delectable en ouiet oultre les mē
taignes de gypte/auquel sont les arbres de diuerses vertus
& de telz en ya que qui en mangeroit iamais sain nauroit/et
d'autres que iamais las ne seroit/et d'autres q̄ iamais par
nature ne mourroit.

Maistre on fut la femme cree. Mon enfant elle fust cree
de dās paradis terrestre/mais l'homme fut cree dehors pour

le mettre dedans en possession.

Maistre pourquoy pecherent l'homme & la femme. Mon enfant par la deception du dyable & par leur oultr'ecuidance passerent le commandement de dieu.

Maistre pourquoy les decent le dyable. Mon enfant par envie: car il estoit dolent de ce quilz deuoyent obtenir son lieu en paradis lequel auoit perdu par son orgueil.

Maistre en quelle forme les teta l'ennemy. Mon enfant le dyable sapparut a eulx en forme de serpit leur disant que silz mengeoient de ce fruit q'ilz scauroient autat come dieu.

Maistre pourquoy ne crea dieu les hommes consermez en grace comme les anges. Mon enfant dieu vouloit que l'homme fut semblable a luy et comme toutes choses dependent de luy vouloit que tous nasquissent de adam.

Maistre comment eussent ilz engendrer en paradis terrestre. Mon enfant comme se tu mettois l'une de tes mains dedans l'autre sans aucune delectation.

Maistre comme eussent enfante les femmes. Mon enfant sans douleur et sans peine.

Maistre cobien eussent ilz este en paradis terrestre. Mon enfant comme vne generation trespassee apres l'autre.

Maistre ou est paradis celeste. Mon enfant il est au dieuisme ciel q'est par dessus to⁹ les autres cieulx: & est appelle le ciel imperial: pource quil est plus cler & plus subtil en substance & plus bel que tous les autres auq^{ls} sont les saintz et saintes de paradis embrassez de lamour d'nostre seigneur.

Maistre pourquoy fit dieu home & femme quat il scauoit bien quilz trespaseroient son comendement. Mon enfant de fut son bon plaisir de ce faire pour mostret son infinie puissance: & assir quil en fut son seruy & honore: car toutes choses honorent dieu en leur estre: & aussi car il scauoit bien quil seroit encores plusieurs personnes de plus grāt merite & sainte

etete que filz neussent peu pechor comme sainte iehan baptis
te et les apostres & disciples de nostre seigneur et plusieurs
autres : car comme tesmoigne lescripture / bien eueuy est
celluy qui peult mal faire & ne le fait pas.

Maistre combien demeurèrent adam et eue en paradis
terrestre. Mon enfant des le matin iusques a heure de non
ne: car a tierce adam mist le nom es choses / et entore mi
ilz pecherent : et a nonne ilz furent bannitz : et a telle heur
mourut Iesuchrist.

Maistre en quel lieu alla adam et eue quant ilz furent
mis hors de paradis terrestre. Mon enfant il sen alla en
edon ou il fut cree et la il engendra filz et filles dont nous
sommes tous venuz ou il ploura long temps son filz Abel
que cayn tua par enuie.

Maistre puis que le dyable tempta Adam & Eue pour
quoy en furent ilz si griefuement punis. Mon enfant pour
ce que ilz mespriserent le commandement de dieu pour obtē
perer aux persuasions de lennemy & quilz ne se tenoyēt pas
contens de dieu qui tant de graces leur auoit faictes. Par
quoy ilz pecherēt en troyz manieres: cest assauoir en orgueil
quant ilz mespriserent les commandemens de dieu & en auar
ice quant ilz nestoyent pas contēs de ce que dieu leur auoit
donne. Et par le peche de gueule en mangeant le fruit que
dieu leur auoit defendu.

Maistre quant il sen repētīt & en fit grāt penitence pour
quoy ne fut il restablē apres sa mort en son premier estat.
Mon enfant pource que la penitence nestoit pas suffisante
et la reparation de tous ceulx quil auoit priuez de paradis
par son peche: parquoy fut necessite que la seconde personne
de la sainte trinite qui est le benoist filz de dieu fist repara
tion pour luy. Et combien que dieu soit misericors / toutes
foys il est droicturier & raisonnable.

Maistre pourquoy nennoya dieu Vng ange pour racheter l'humain lignage. Mon enfant pource que se l'ange eust racheté l'homme il enst este subiect a l'ange / et Dieu a fait l'homme pour estre en lestat des anges / & aussi estoit chose convenable puis q l'homme avoit fait le peche q l'homme se reparast: & aussi mon enfant tu dois sçavoir & entendre q le benoist filz de dieu en ppre personne voulut reparer la faulte & peche de l'homme / & en porter la penitence & souffrir mort & passion tresdouloureuse pour luy / & humilier pour prèdre nre poure fragilité & nature au Vêtre Virginal pour demōstrer la grāt affection & amour quil a enuers nous q sommes faitz a sa semblance.

Maistre pourquoy ne fist dieu que Vng ange prist nature humaine. Mon enfant pour les causes q ie t'ay maintenant dictes: et aussi car nul ange n'austr creature n'auoyt puissance d'ouurir paradis q estoit cloz a l'homme par son delict fors Dieu tant seullement: parquoy fut necessite que le benoist filz de dieu fut trāsmis ca bas pour racheter nature humaine & pour luy ouurir paradis. Et sachez quil eut en soy deux natures: cest assauoir nature diuine: car il fut & est Vray dieu. Et nature humaine: car il fut & est Vray homme. Et pource vainquit il le dyable q auoit vaincu l'homme & ouurit paradis: et fut de la lignee de Adam / et fit pour luy penitence.

Maistre pourquoy ne print le pere & le saint esperit nature humaine aussi bien q le filz. Mon enfant pource que le filz est la semblance du pere & attrait a luy toutes choses par quoy fut chose convenable que le filz tant seullement attrait a soy l'homme pour l'attirer a son pere en paradis.

Maistre pourquoy voulut dieu naistre de la Vierge marie. Mon enfant Dieu fut l'homme en quatre manieres. La premiere fut sans homme & sans femme cōme Adam. La secōde fut d'homme sans femme cōme Eue. La tierce fut d'homme & de femme cōme nous sommes. Or estoit a faire la quarte maniere

qui est de femme sans homme comme est iesuchrist. Et sainte
raison si est: car ainsi q la mort vint en terre par la femme q
fut eue: aussi la vie vint en terre par la feme cest la glorieuse
Vierge marie/laquelle nous apporta le fruct de vie eternelle.
Maistre comment lenfant a elle. Mon enfant elle enfanta
sans peine/à sans douleur/à demoura entiere vierge pure et
nette de toute macule deuant lenfantenmēt/à lenfantenmēt et
apres lenfantenment: come le verre par lequel le soleil passe
sans y faire aucune ouuerture/mais pource que dieu vous
fut tenir lordre de nature il demoura neuf moys au ventre
virginal/à ne chemina pas incontinent quil fut ne.

Maistre a quelle heure nasquit il. Qd enfant il nasquit
à la minuyt/et à telle heure il sapparut vne estoille moult
clere et belle à merueilles/et le soleil fut beau comme lor/et
paip et vñion estoit par tout le monde/ si que tout le monde
obeissoit à vñg seul prince qui estoit nomme cesar. Et à cels
le heure les bestes mmes parloyent/et les pboles des sarras
pms trebucherent en terre.

Maistre pourquoy print il les dons des troys roys. Qd
enfant car en prenant lor il mōstra quil estoit roy puissant.
Par lencens quil estoit vray dieu. Par le myrre quil estoit
vray homme/le roy qui portoit lor sappelloit Balthazar/et
Gaspar portoit le myrre gmelchior lencens.

Maistre en quantes manieres nous sont noz pechez par
donnez. Mon enfant ilz nous sont pardōnez en cinq manie
res. Premicremēt par les sacremēs de sainte eglise qui sont
sept: cest assavoir batesme/confirmation/ēdession/lordre de
prestrie/le sacrement de lantel/le sacrement de mariage/et
extreme unction: mais batesme est le premier/à celluy qui
plus nettement efface les pechez/à apres le batesme confir
mation/ēdession sont les plus necessaires. Secondmēt
noz pechez nous sont pardōnez par auinofnes. Tercemēt

par oraisons & par ieunes. Quartemēt par pardonner a nos
enueyns. Et quintement par charite.

¶ Maistre sont tous noz pechez pardonnez par baptisme.
Non enfant ouy car par baptisme nous sommes hommes
a Iesuchristen luy faisant cest hommage et sommes desli-
urez de la seruitude de peche.

¶ Maistre pourquoy sōt baptisez eulx q naissent de ceulx
qui sont baptisez et mesmement les enfans qui nont en riens
offense. Non enfant se aucune paste estoit corrompue de ven-
nin tout le pain qui en seroit faict seroit venimeux et corrom-
pu / a pourcee que noz premiers pères furēt corrompus par pe-
che. eulx & toute leur lignee furēt bānis de paradis terrestre
& leur fut close la porte de paradis celeste / laquelle ne peult
estre ouuerte a l'homme sil n'est premieremēt baptise comme
tesmoigne le saint euangile. Et cōbien q le pere et la mere
soyent baptises ce ne suffist pas a l'enfant pour estre baptise.
car quant ung hōme se baptise nature cōmune ne se baptise
pas: mais seulement la personne particuliere: parquoy est
de necessite que nous soyons tous baptises en particulier.

¶ Maistre pourquoy ne fit dieu que tous fussent baptisez
pour estre sauluez. Non enfant il ne tient pas a dieu q tous
ne soyent baptises car il a donne a chascun liberal arbitre de
ce faire. Et aussi baptisme se doit faire de franche volente
& sans contrainte: car se dieu cōtraignoit l'homme d'estre bas-
ptise il n'auroit pas son liberal arbitre et par ainsi son bas-
ptisme n'auroit point de merite.

¶ Maistre pourquoy ne espouse son maintenant ses consi-
nes comme a l'anciēne loy. Non enfant cest pour accroistre
amour & charite entre les estrangers: car ceulx qui sont d'ung
sang sentretiennēt assez plus q les autres. Parquoy faulx
mettre amour & charite ou elle n'est pas. L'autre raison si est
car les enfans auoyent deus proximitez ensemble comme

de estre filz et neveu. Parquoy pour honnestete fut ordonné de faire mariage entre les estrangers mais a l'ancien temps on espouse les femmes du signaige: & estoit pour multiplier & accroistre le monde.

Maistre pourquoy fist Jhesuchrist baptise. Mon enfant il fut circoncis pour accomplir l'ancienne loy. Et fut baptisé pour comencet la nouvelle loy et pour monstrier sa grande humilité en nous donnant exemple q nous deuons tous estre regenez par baptisme.

Maistre pourquoy est baptisme en eue. Mon enfant car leue est contraincte au feu: & le preste est en feu: parquoy pour estaindre le dict feu de peche nous sommes baptisez en eue et ainsi que leue l'auue toutes ordures/ aussi baptisme l'auue tous pechez: et le fust dieu en eue: pourtant que leue est commune par tout le monde/ affin qu'on trouuast plus facilement la matiere du dict sacremēt: affin que nul ne sen peust excuser disant quil ne trouuoit pas de quoy il se fist baptiser ou quil nen pouuoit auoir.

Maistre quelles parolles doit on dire au baptisme. Mon enfant on doit dire ainsi. Je te baptise au nom du pere et du filz et du saint esperit. Amen. En mettant troyz foyes de leue sur la teste de celsay qu'on baptise: & se prument dire en tous langaiges: mais que ce soit en bonne creance & en bonne intention: et autres parolles ne sont de necessite au dict sacrement de baptisme.

Maistre fust chose raisonnable que dieu le pere donnast si noble chose comme son filz: pour rachapter si chetive chose come homme. Mon enfant en ce nous monstre dieu le pere sa grant amour quil a enuers son humaine creature.

Maistre puis que dieu auoit transmis ce bas son filz: par si grande charite et pour rachapter les humains pourquey sup firent les humains tant de peine. Mon enfant inbas le

trahit par auarice. Pylate le condâna de peur de perdras son office. Et tous les iuisz le mirent a mort par enuie.

Maistre po' quoy mourut iesuchrist en l'arbre de la croiz. Non enfât car cœ adam pecha par l'arbre de vie/ aussi dieu le donut rachepeter par l'arbre de la croiz. Et doibs scanoin mon enfant q par les quatre parties de la croiz qui monstre tout le mōde nous est monstre q la mort de Iesuchrist estoit suffisante pour rachepeter non pas tât seullemēt nature humaine: mais aussi tout l'uniuersel monde. si en est este perdu.

Maistre cōbien de tēps demoura Iesuchrist mort en terre. Non enfât il y demoura quarâte heures. Et quāt nous difons quil resuscita le tiers iour et que en quarante heures na pas trops iours tu dois scanoir quil mourut au v̄d̄re d̄n a heure de nōne & tout le samedy il fut mort au saint sepulchre qui fut le second iour/ & le dimēche apres il resuscita biē matin. Et pource que le cours de nature se renouuelle a mi nuyt le iour naturel commence a minuyt: & ainsi sont trops iours en prenāt vne partie du iour pour tout le iour entier.

Maistre ou sen alla lame de Iesuchrist quāt il fut mort. Non enfāt elle sen alla en la gloire d̄re dieu le pere en sup rendant graces & sonēges en sup demandant les saintes amies/ lesquelles par long temps auoient este en captiuité au limbe/ et lesquelles il auoit rachepetees par le merite de sa passion/ laquelle chose Dieu le pere sup octroya. Lors ou arit lame de Iesuchrist qui estoit conioincte avec la d̄ite ses portes de paradis/ lesquelles par long tēps auoient estees choses a tout l'humain signage. Et le samedy entour l'heure de minuyt elle descendit en enfer & rompit les portes et alla visiter ses bonnes amies: cest assauoir les ames des saintz peres anciens q grādēmēt le desiroient & les deliura de la pris son du limbe avec les saintes ames q auoient merite par a/ die par leurs saintes oeuvres: et avec ceste belle cōpaignie

sen monta au ciel: & les presenta a dieu le pere qui les receut
benignement: et les colloca au royaume de Paradis au p
lieu & sieges que les mauuais perdirent par leur orgueil.
Et ne deliara pas les ames damnees: comme de iudas & du
mauuais riches & de plusieurs autres: mais les laissa en en
fer en peine et tourment avec tons les dyables sans leur des
ner aucun confort ou elles sont encores & seront iamaiz es
le dimenche deuant le soleil leuant retoutna au corps de
Iesus qui gisoit au sepulchre: & resuscita de mort a vie.

¶ Maisire pourquoy ne resuscita il tãtost q'il fust mort. ¶ Mon
enfant car on eust peu presumer quil n'estoit pas mort & vou
lut commencer de renouueller le monde au dimanche par sa
resurrection: car a tel iour le monde commença deslire.

¶ Maisire on fat il apres sa resurrection quarante iours
auant son ascension. ¶ Mon enfant il estoit en paradis teres
stre avec Helyas et Enoch les instruisant de ce q' estoit fait
fors quant il s'apparut.

¶ Maisire quant effoys s'apparut il. ¶ Mon enfant il s'appar
rut premieremẽt a ioseph d'abarimathie qui l'auoit enseue
ly q' porree estoit en prison: puis a sa mere: puis a la magda
lene: puis a deux pelerins venant du saint sepulchre: puis
a saint iacques q' ne vouloit manger quil ne leust ben: puis
a saint pierre: puis a deux pelerins qui alloient au chaste
de emaulp: puis s'apparut a ses disciples les portes closes:
puis a saint iThomas quant il mist la main au coule de nre
seigneur iesuchrist: puis a ses disciples en la mer de thibrid.
Et ainsi mon enfant tu dois seauoir que nostre seigneur ies
uchrist s'apparust douze foys deuant qui sen montast du ciel.

¶ Maisire qui monta au ciel avec luy. ¶ Mon enfant les en
fans des bienheurez qui lors par leurs merites furent sauuez:
et aussi grande multitude d'anges du ciel l'accompagnerent
en chantant melodieusement & rendant graces a dieu.

Maistre pourquoy attendit il .xl. iours a monter au ciel
apres quil fut resuscite. Mon enfant pource quil donna
grant peine. xl. heures quil demoura mort en terre a ses a-
mys et disciples. Darquoy il les voulut consoler. pl. iours
cest ung iour pour chascun heure en signifiant que pour pen-
ne il donne grant ioye et aussi le fit il pour les confirmer en
sa sainte foy: comme saint Jacques et plusieurs autres
ausquelz il se apparut visiblement.

Maistre quest ce a dire que le filz est assis a la dextre de son
pere. Mon enfant cest a dire que humanite est en gloire en-
semble la diuinite.

Maistre en quelle forme & maniere monta Jhesuchrist au
ciel. Mon enfant il monta au ciel en telle forme et maniere
come quant il se transfigura devant aucuns de ses disciples
en la montaigne de Tabor: cest assavoir quil avoit les bras
estendus & eslevez en hault: et sa face resuisoit come le soleil
et ses vestemens estoient blancs comme neige & sen monta
au ciel tant quilz ne purent de venir comprendre.

Maistre pourquoy est fait le sacrement de lautel de pain
& de vin. Mon enfant car comme le grain du ble a este beau
et flagelle: & a le coste fendu: aussi le precieus corps de iesus
fut battu & flagelle: & sient le coste fendu duquel saillit sang
et eane: pourquoy lon met de leste au dict sacrement. Et cõe
le vin saint de la grappe par force de suer au pressoir: aussi
le precieus sang de Jhesus saillit de son precieus corps au pres-
soir de la croix. Et ne fut pas establi de chair ne de sang: car
on pourroit avoir horreur a boire sang & manger chair: mais
fut establi de pain et de vin: car cest la plus noble et la plus
cõmune refection quil soit / & aussi que le pain & le vin sont la
plus cõmune et la plus prouffitabile refection pour nourrir
le corps: aussi le sacrement de lautel est la plus cõmune & la
plus noble & prouffitabile refection pour nourrir lame.

Maistre cōment deuons nous entendre q̄ cest le corps de
Jesuchrist & son precieus sang soubz lespece de pain & de vin
Mon enfant cōme le pain & le vin que tu manges se quertif
fent en ton propre corps & en ton pprie sang: aussi le sacremēt
de lautel le pain & le vin moyēnāt les saintes parolles par
la vōlente de dieu se transmuent au precieus corps & sang
de Jesus: et ainsi la il vōlu faire par sa tresgrant amour
quil a enuers nous: car il vœult tousiours estre avec nous.
Et est bien en sa puissance puis que de rien il a faict tout le
monde qui est plus grāt chose. Donc mon enfant tu le dois
croire fermement et sans doubter: car son bon plaisir fut de
instituer ainsi. Et cōmbien q̄ tu ne le vōye corporellement:
car vng corps glorifié est invisible tu en es plus de meriter
car soy nest aultre chose que croire ce que on ne voit pas.

Maistre que dictes vous de ceulx qui recouēt le dret sa
crement en peche mortel. Mon enfant ilz crucifiēt de rechef
Jesuchrist et le recourent a leur damnement.

Maistre le p̄stre q̄ est en peche mortel peult il sacrer & ab
ministrer le corps & le sang de Jesuchrist. Mon enfant ouy:
car le sacremēt nēpire ne namēde pour la p̄dition du prestre:
car cōme le soleil lequel quant il luyt sur les choses ordēs &
puantes il namoinbrist pas sa clarte: mais le prestre le faict
a son dānement. Et sil est sans peche cest a son sauluemēt.

Maistre cōmbien demeure le corps de Jesus au corps de
celluy qui la receu. Mon enfant il y demeure autānt cōme
la substance du pain pourroit demourer sans digerer et non
plus: mais tu dois entendre que Dieu demeure tousiours
avec ceulx qui sont en estat de grace.

Maistre quant plusieurs prestres chantēt messe le corps
de dieu est il tout par tout. Mon enfant ouy: car dieu est et
peult estre tout par tout cōme ton ame qui est toute en cha
queune partie de ton corps.

L Maistre doit on hayr les mauuais. Mon enfant lon doit hayr leurs mauuaistiez & folies & nō pas faire comme eulx mais nous deuons aymer nostre nature car nous sommes tous filz d'ung pere et d'une merere & rachetez ensemble d'ung meisme sang. Et silz te font aucun tort tu leur doibs tout pardonner & prier pour eulx a lespēle de iesuchrist qui prioit pour ceulx qui le crucifioient car cest loeuure plus meritorie que nous puissions faire.

L Maistre pourquoy ont les mauuais tant de biens et de prosperite en ce mōde. Mon enfant il n'est si mauuais en ce mōde qui aucuneffoys ne face quelque bien & pour ce qu'on ne fit iamais biē quō nen soit recompense ne on ne fit iamais mal qu'on nen soit puni: a ceste cause dieu leur enuoye tāt de biens & de prosperitez en retribution de leur bien fait & si leur dōne puissance & autorite sur les bons affin q̄ les bons soyēt par eulx esprouuez. Et aucuneffoys dieu enuoye des tribulations aux mauuais affin quilz samendēt & si ilz ne le font neantmoins ce leur sera en diminution des peines quilz deussent auoir & souffrir en enfer ou ilz auront accroissēmēt d'auls tres grans biens temporelz: mais dieu dōne des tribulations & aduersitez aux bons pour les esprouuer cōme a Jacob & a Thobie affin quilz mesprisent les vanitez de ce monde & q̄z noblient pas leur createur & q̄ par leurs merites en prenant tout en patience ilz puissent auoir la gloire de paradis. Et aucuneffoys dieu leur dōne des biēs beaucoup affin q̄z en soyēt charitables & quilz augmentēt leur gloire en paradis. Les bons aucuneffoys meurent tost affin q̄z nēpirent. Et pour euites les perilz & temptations qui sont en ce monde: et aussi les bons viennent aucuneffoys longuemēt pour les accroistre en bonte: & affin que par leur bon exemple & doctrine les mauuais samendēt. Et aussi les mauuais meurent tost aucuneffoys pour espouuenter les autres mauuais affin

qu'ilz samendent. Et aulcunesfoys les manluais vident
longuement pour esprouuer les bons et aussi car dieu attet
qu'ilz samendent. Et dois scauoir mon enfant que loy mon
d'aulcuns docteurs est que la misericorde de Dieu est si tres
grande qu'il permet tousiours mourir l'homme au meilleur
estat & propos qu'il se peut tronner: car dieu ne veut pas la
mort & d'auant de l'homme: mais veut qu'il se nuertisse et
nellement en paradis. Et cōbien q̄ plusieurs meurent subite
ment et sans auoir lespasse de soy & s'esset & de faire penitēce &
satisfaction: toutesfoys en tel ppos peuuet ilz mourir et en
tresgrant & triction de bon cueur q̄ dieu si les pient a mercy.

Maistre seront riches et pourres egalemēt gar donnez.
Mon enfant de tant qu'ilz serōt plus sages & plus dignes de
tant seront ilz plus guerdonez quāt ilz seront bien. Et quāt
ilz seront mal de tant seront ilz plus griefuement puniz.

Maistre peult dieu faire mal. Mon enfant nēy: car cō
bien q̄ soit tout puiffāt toutesfoys il ne sentēs pas q̄ puisse
faire choses & traires a raison & qui soyent impossible de ftre.

Maistre pourquoy souffre dieu que les bestes ayent tant
de peine & ne sont pas de ferme. Mon enfant cest aulcunes
foys que par le peche de l'homme la vengeance de dieu tōbe
sur les bestes & sur les aultres biens affin qu'il samende ou
pour lesprouuer comme iob. Et aussi car les bestes sont fai
ctes pour l'homme seruir: sustēter et nourrir: pourquoy elles
sont en sa subiection: et aussi car toutes choses doinent ser
uir de ce a quoy elles sont ordonnees: comme le pont qui est
fait pour passer dessus: aussi mon enfant Dieu si le permet
affin que nous y prenons exēple: car puis q̄ les bestes seuf
frent tant de peine pour leur pourue die corporelle nous de
uōs bien plus traualier et peiner d'acquerrir la vie eternelle
et d'ardir de paradis en laquelle on vit eternellement.

Maistre fait dieu se vng hōe sera sauue ou dāne auant

quil soit ne. Mon enfant ony mon pas que Dieu le face en intention de se damner: car dieu ue le dâne pas: mais l'homme se damne de luy mesmes sans aucune contraincte: mais de sa propre voulente laquelle est en son liberal arbitre cōme nous voyons le papillon qui de soy mesmes et de sa propre voulente se brasse a la chādelle & combien q̄ ledict papillon soit aucuneffoys eschaude du feu de la chandelle teltmēt que souuēt il en tombe en terre si se releuera il au mieulx q̄ pourra et de son pouuoir sen va mettre dedans le feu de la chandelle tellement quil y demeure nonobstant quil voye bien le dangier ainsi sont ceulx q̄ se dānent: car combien q̄z voyēt & cognoiffēt le dāgier q̄ y est & aussi q̄ souuēt ilz soyēt eschauldez par tribulatiōs ou aduersitez affin q̄z se quertiffēt q̄ par inspiration diuine ilz ayēt aucun remors: toutesfoys ia pource ne cessent insques a ce q̄ de leur propre voulente et sans aucune contraincte ilz se mettent au parfond denfer quilz y demeurent: et iamais nen saillent. Et combien que Dieu vueille de simple voulente que tout hōme soit sauue: toutesfoys si ne veult il pas que l'homme soit sauue & ait si grant don comme est le royaume de Paradis sans aucun merite. Et par ainsi mon enfant saches q̄ dieu a faict l'homme non pas affin quil soit damne: mais affin q̄ par ses saintes operations en souffrant patiemment toutes tribulatiōs & aduersitez: & en resistant et bataillant baillamment contre le dyable le monde & la chair il puisse meriter destre sauue.

¶ Maisre & ceulx qui sōt predestinez a estre sauuez le peuent ilz estre sans le meriter & traualler. Mon enfant nēny: car bien scait bien que par leurs meritez & traualx ilz serōt sauuez. Et pareillement peult on dire des damnez.

¶ Maisre puis que ceulx q̄ sont predestinez a estre sauuez ne peuent estre damnez & ceulx qui doiuent estre damnez ne seront iamais sauuez q̄ vauit il tant traualler pour auoir

paradis ou enfer. Mon enfant se tu es pdestine a estre salut
tu ne dois pas accroistre tes peines en purgatoire & amoin
dir ta gloire en paradis pour faulte de faire biē. Et se tu es
pdestine a estre dāne tu ne dois pas tousiours viure en peche
mais tu te dois efforcer de biē faire & de faire penitence pour
amoindir tes peines en enfer. Et pource q tu ne scez a quoy
tu es destine tu dois tousiours penser a la meilleure partie
cest assauoir q dieu ta fait a sa semblāce & rachete de son prez
cieux sang pour toy sauuer & nō pas pour toy dāner. Pour
quoy mō enfāt tu dois tousiours faire bōnes oeures & fuy
les mauuaises. Et saches mon enfant q dieu ta dōne sen
entendēmēt, raison, frāche voulētē & liberal arbitre de desirer
le biē ou le mal affin q nāyes cause dignorāce & d'impissāce.

Maistre que dictes vous de ceulx qui iamais n'ont
les commandemens de dieu ne nulz nen font. Mon enfant
les hommes sont faictz a lymage et semblance de dieu affin
quilz ayment, seruent & doubtent & pource silz ne congnois
sent leur createur en ce siecle il ne les cōgnoistras pas en laut
re, ne ia par leur ignorance nen serōt excusez mais plustost
accusez, car l'ignorance ne excuse point le peche.

Maistre se vng enfāt estoit nourry en vng boys & il nau
roit iamais ouy parler de la foy de Jesuchrist seroit il dāne
se il mourroit ainsi. Mon enfant il est chose creable que dieu
faict reuelation a toute personne de la foy de Jesuchrist par
enseignēmēt dhōme ou par reuelatiō saches ql sera dāne.

Maistre sont les ames faictes des le commencement du
monde. Mon enfant non, mais les cree dieu tous les iours
& les met aux corps des enfans dedans le ventre de leur me
re. Cest assauoir aux hommes. pl. iours apres leur conce
ption & aux femmes a. l'oy. apres leur conception.

Maistre que nous vault confession. Mon enfant cest le
secōd baptesme: car ainsi comme par baptesme tous pechez

nous sont pardonnez. Pareillement par la Vertu du sacrement de confession tous pechez nous sont pardonnez pour ce qu'on reconnoist sa deffaulte deuant dieu ou deuant son lieutenant / car dieu ayme plus obediẽce que sacrifice : car obediẽce est mere de toutes Vertus.

Maistre vault plus penitence faicte par inunction de confesseur que penitẽce faicte par vouldente. Mon enfant se ton confesseur tauoit enioinct en penitẽce vng pater noster tant seulement & tu le laissoyes a dire pour dire le psaultier tu pecheroyes & ne tacquiteroyes pas de penitẽce. mais si tu diroyes le pater noster qui te seroit enioinct & en laissoyes a dire le psaultier ou aultres oraisons que tu diroyes par vouldente tu ne pecheroyes pas. mais tacquiteroyes de ta penitẽce. car comme ie tay dit mieulx vault obeissance faicte a nostre seigneur que ne faict sacrifice.

Maistre q̄ vault cõtrition au point de la mort. Mon enfant ceulx qui atẽdẽt a se repẽtir iusques a la mort sont tricheurs a nostre seigneur cõme le tricheur & mauuais payeur q̄ promet a payer a certain terme mais il vouldroit q̄ le terme ne vint idmais. et a ceste cause il a fait mille tricheries a son creancier affin q̄ ne le payast si tost ou iamais. Et daultre part saint iul dit q̄ dieu nest pas biẽ paye de celluy qui se paye de ce quil ne peult plus tenir. Touthesfoys il est escript que a quelque heure que le pecheur declarera son peche en grant repentance & contrition quil luy sera pardonne. mais mon enfant cest tresgrant peril dattendre de soy repẽtir iusques a lagoiſſe de la mort: car lors on est si trouble qu'on ne cõgnoist soy ne aultuy. Car cõme dit le psalmiste. Non est in morte qui memor sit tui: in inferno autem quis cõfitebitur tibi. Cest adire que la mort on na point de souuenance de dieu & quil nest pas temps de soy repentir et de confesser son peche quant on est en enfer: car la sentẽce de dieu est donnee.

Donc mon enfant tu te dois repentir & confesser quant tu as le temps & l'espace / & ne dois pas attēdre a demain: car tu ne scez si tu mourras demain ou plus tost.

Maistre puis que le peche original est pardonne par baptisme pourquoy meurent ceulx qui sont baptizez. Mon enfant les bons meurent affin quilz soyent offez des tribulations de ce monde / & quilz soyent couronnez en paradis. Et les mauuais meurent par leurs pechez / & affin quilz soyent privez des ioyes & delices de ce monde / & soyent en grant douleur puniz eternellement en enfer.

Maistre que nappst la mort subite a l'homme. Mon enfant l'homme qui meurt subitemēt mais quil soit en estat de grace il sen va en paradis ou en purgatoire a accomplir ses penitēces / & luy est meritoire la pze mort contre les pechez venielz / & a la diminution des peines de purgatoire / & a l'augmentation de la gloire de paradis: mais sil meurt subitemēt en peche mortel la mort subite luy nuist tant quil est pris de pouruen & sans confession ne repentence faire dont il en est damne eternellement. Et par ceste cause mon enfant tu dois estre tousiours tout prest a mourir en toy gardant de peche: car tu ne scais quant ne de quelle mort tu dois mourir.

Maistre que vault a l'homme estre enseueley au cemetiere. Mon enfant sil est en purgatoire il est plus tost deliure tant par les prieres de l'esglise que de ses parens & amys qui visitent la sepulture en priant dieu pour luy. Et souuēt aduient que les cemetieres sont sanctifiez par les corps d'aulx uns saintz q y sont & prient pour eulx. Dont se les enseueleyz la sont sauuey ilz sont bien loyez quant leurs corps sont avec les corps des aultres saintz: mais sils sont damnez il ne leur prouff: te riens: car les biens qu'on y fait pour eulx ne leur peuuent ayder.

Maistre laquelle maniere de viure est plus excellent et

meilleure pour faire son saulement. Mon enfant auoir
Vraye amour en nostre seigneur en le seruant et honnorant
de tout ton cuer. Et en mengeant le pain que tu auras in-
stement acquis par le travail de ton corps cōme le tesmoigne
le psalmiste qui dit. *Labor es manuum tuarū quia manduca-
bis eā.* Cest a dire que tu seras bien eureux se tu manges
le labeur de tes propres mains. A quoy test remōstre que tu
ne dois pas vser des biens qui par toy ou par les tiens sont
acquis faulxement: mais les dois rendre se tu scais a qui et
vser de ceulx qui sont instement & loyalement acquis.

Chaistre celluy q̄ est en peche mortel peult il longuemēt
estre sans cōmettre peche. Mon enfant nenny: car comme
Vng bien attraict l'austre: aussi Vng mal attraict l'austre: et
car le dyable faict de l'homme qui est en peche mortel cōme
l'homme faict d'une beste qui la maine par le licol ou il vent.

Chaistre ou vont les ames des trespassez. Mon enfant
les ames des innocens qui meurēt sans baptisme sen vont
au lymbe qui est Vne chambre denfer ou il nont ioye ne tris-
tesse: Car ilz nont riens merite: mais pour ce que ilz ne sont
purges du peche originel par baptisme ilz sōt priuez de para-
dis & de la vision de dieu. Et les ames de ceulx qui sont ba-
ptisez qui meurent en lestat d'innocence sen vont en paradis
tout droit. Et aussi les ames de ceulx qui meurēt en estat de
grace & sans peche s'ilz ont peche et ilz en ont faict penitence
suffisante en ce monde sen vont tout droit en paradis: & sont
en gloire selon qu'ilz ont merite par leurs saintes oeures
les ames de ceulx qui ont eu bonne cōtrition & desplaisance
de leurs pechez: & se sont retournez a dieu en luy criant mer-
cy qui nont pas acomply leurs penitences en ce monde sen
vont en Vne partie denfer nomme purgatoire: & illec acom-
plissent leurs penitences & sont purges de leurs pechez: & ce
faict sen vont en la gloire de paradis. Et les ames de ceulx

D

qui meurent en vng seul peche mortel ou en plusieurs sen
vont en abisme en enfer ou ilz sont punis selon leurs descer
tes. Et les ames des iuisz & mescreans qui meurent en estat
d'innocence sen vont en vne partie denfer avec les autres
enfans qui meurent sans baptesme/mais les ames des aul
tres iuisz et mescreans qui ont sens et entendemēt sen vont
en enfer avec les damnez.

Maistre en combien de temps sont deliurees les ames de
purgatoire. **Non** enfant les vnes y demourēt plus longuez
mēt que les autres selon quelles ont desservi: car les vngz
sont deliurez au bout de sept iours/ & pource faict on le semel
autrement appelle retour en faisant prieres et aumosnes
pour leur deliurance/ car grandement peuuent proffiter les
prieres et aumosnes q'on faict pour eulx. Les autres sont
deliurez au bout de trente iours/ pource faict on le trētenier.
Les autres sont deliurez au bout d'vng an/ & pource faict on
l'annuel/ & les autres y demeurent par plusieurs ans/ & par
long tēps selon ce q'ilz ont desservi/ & pource faict on chascun
an remembrance d'eulx. Et quant ilz sont du tout purgez et
quilz sont deliurez tant par leurs penitences acomplies que
par noz prieres & oraisons ilz sen vont tout droit en paradis.

Maistre en quel lieu est paradis. **Non** enfant il y a trois
manieres de paradis: cest assauoir Paradis celeste/ paradis
terrestre & paradis spirituel. Paradis celeste est par dessus
les cieulx auq'l dieu & tous les sainctz & saintes sont cōme
ie tap dit deuāt. Paradis terrestre est en terre vers oriēt. Et
paradis spirituel est deoir dieu & la mer parfaictemēt & ces
stuy est par tout. En cestuy paradis sont noz bōs anges qui
doient et ayment nostre sauueur & redempteur Iesuchrist.

Maistre ou est enfer. **Non** enfant il y a deux manieres
denfer cest assauoir enfer spirituel et enfer corporel. Enfer
spirituel est par tout ou les ames & les mauuais anges sēt

en peine & tourment soit en terre ou en mer. Et ceuluy peult estre en plusieurs lieux cōme nous lisons dunc ame q̄ estoit tourmentee d'ung glaïsson laquelle vng euesque deliura par trēte messes q̄ estoit obligee a y estre par long temps. Enfer corporel est au milieu de la terre cōde le grain d'une pome est au milieu de la pōme. Et est vne grant caue noire & obscure en laquelle il y a quatre estages l'ung dessus l'autre. Au premier est le lieu auquel estoient les saintes ames des saintz peres anciens & de ceulx q̄ par leur sainte vie & uersation auoyēt merite le royaume de paradis lesquelles nostre seigneur Jhesuchrist deliura quāt il mourut en la croix & maintenant n'y a nul car alors furent tous deliurez. Au second estage est purgatoire auquel les ames q̄ doiuent estre sauuees vont acōplir leur penitēce laq̄lle ilz n'ont pas acōplie en ce monde en leur viuant. Au tiers estage sont les ames des innocens qui meurent sans baptisme. Et au quart estage qui est le plus bas abyssme sont les ames des miserables damnez.

Chaistre q̄lles peines ont ceulx qui sont en purgatoire. Mon enfant il sont tormentez du feu infernal q̄ est beaucoup plus chault que le feu materiel de ce monde a leucōtre d'ung feu point en vne paroy & sont illec liez de chaines de fer toutes ardantes si fort estiraingans qu'on ne le scauroit dire. Auquel lieu les vngz sont plus puniz que les autres & y demeurent plus longuement selon quilz ont desferuy.

Chaistre quelle peine y a en enfer. Mon enfant il y a tant de diuerses peines tribulations & tormēs q̄ n'est entēdemēt humain qu'il les sceut comprendre ne y imaginer cōme de feu arbat & trespāt de crapau & serps dragōs & de toutes ordres & cruelles bestes et de dyables enragez q̄ iamaiz ne sont las de battre & tormēter les pourceus dānez mais tousiours sont a recommēcer tellemēt que la moindre peine dēfer surmonte toutes les peines de ce monde, mais les vngz sont plus

griefuement puniz que les autres selon leur defferte. Et au iour du iugement leur peine doublera: car alors ilz resusciteront et seront damnez en corps et en ame.

Maistre quelle peine ont les ames des iudocens q meurent sans baptesme. Mon enfant ilz nont ne peine ne donz leur ioye ne l'oyesse: car ilz ne firent iamaiz bien ne mal parz quoy ilz nont merite d'auoir aucun bien ne aucun mal. Et cōbien que le lieu où ilz sont soit obscur & tenebreux & tontesfz fops il n'ya chose qui les grieve. Et quant viendra le iour du iugemēt ilz resusciteront & seront cōme de frage que estoit nostre seigneur Jhesuchrist quant il mourut en la croiz. Et tons les autres aussi lesdictz non baptizez seront contes de l'ordonnance de dieu: et sen retourneront en leur dict lieu sans iamaiz auoir ne ioye ne tristesse non plus q tu as de ce que tu n'as point d'alles: car ce appartient aux oyseaux & non pas aux hommes ou cōme tu as quant vng roy ou aucun grant prince meurt et tu ne succede point a son royaulme et seigneurie: car tu scees bien que tu nes pas celluy qui doit heriter. Aussi ne doient ilz pas heriter aux royaulmes de paradis: car ilz en sont epilez par le peche de Adam et de Eue: dus quel peche ilz nont pas este purgez par baptesme.

Maistre ceulx de paradis voyent ilz ceulx denfer. Mon enfant ouy & ce leur est vng grant accroissement de gloire quant ilz voyent les peines que ilz ont eniees dont ilz sonēt dieu incessamment. Et aussi les damnez voyent les faulx en gloire comme nous auons au saint euangile du mauuais riche qui veoit l'ame du poure fudre au sain de abraam en paradis. Laquelle chose leur est vng grant & bon accroissement de douleur et dangouisse quant ilz voyent les grands biens et delices spirituels qu'ilz ont perdus par leurs mauuais & infames pechez & par leur nonchalance. Et apres le iour du iugement que les corps des faulx seront glorifiez.

ilz verront les damnez corporellement: mais les damnez ne les pourront veoir corporellement.

Maistre les sauluez seront ilz point courroucez de la peñe des damnez. Non enfant ceulx qui sont en paradis voal droient bien que ceulx qui sont en enfer eussent si bien desceu quant ilz estoient en ce monde que par leurs saintes oeuvres ilz fussent sauluez: car incessammēt ilz prient pour les humains viuans en ce monde: mais que par leur mauuaise vie & par leurs pechez iustement ilz sont damnez: ceulx de paradis nen sont tristes ne courroucez: car en paradis na point de tristesse ne de desplaisance d'aucune chose / mais toute ioye & liesse sans fin.

Maistre les anciens peres souffroyent ilz aucune peine au lymbe d'enfer. Non enfant non fors seulement quilz estoient detenus en tenebres & captiuité / et estoient priuez de la vision de dieu & attendoient leur deliurance.

Maistre quelle congnoissance ont les iustes qui sont en paradis. Non enfant ilz congnoissent les bons & leurs merites & des mauuais aussi. Et les mauuais pourquoy ilz sont damnez & scaient comme nous ce quilz voyent & sentendent / & ceulx de purgatoire ne scaient riens de ce siecle se ce nest par reuelation des anges q̄ les cōsolent des saintz & saintes de paradis. Ceulx de paradis se monstrent quant ilz veulent & a qui ilz veulent par la permission diuine & tant ou ilz veulent: mais les damnez ne sauldront iamais dēfer iusques au iour du grant iugement: quilz reniendront reprēz de leurs corps & ouyr la sentence du souverain iuge. Puis sen retourneront en enfer dont plus iainais ne sauldront. Et sil aduient aucuneffoys quil nous semble quilz se monstrent ce nest que le diable qui se monstre a leur semblance si ce nest par permission de dieu quilz se monstrent aucunesfoys a quelque sainte personne cōme dieu se veult par mē

racie cōme l'on dit de plusieurs/mais ce n'est pas a leur bon-
sente/et nen sont allegez de leurs peines: car ilz portēt enser-
an: ceulx: & ainsi sont tousiours en enfer.

LMaistre que dictes vous de ses femmes q̄ disent quelles
voyent en l'air ses faees & de ses gibelins qu'on appelle luy-
tins et plusieurs aultres choses. Mon enfant les femmes
sont variables & de plus legiere creance que les hōmes. Et
pource fut Eve temptee premier que Adam: car l'ennemy se
pensoit bien que quāt il auroit gaignee quelle luy ayderoit
a gaigner Adam. Et pource le dyable monstre plustost ses
visions aux femmes que aux hommes combien q̄ aucuns
hommes de petite foy y soyent souuent deceuz. Et de tant q̄
aucunes femmes sont de plus legiere creance de tant plus
leur monstre le dyable de visions en leur entendement pour
les soustraire de la foy de Iesuchrist. Et dois scauoir mon
enfant que ses virilles sorcieres qui disent quelles voyent au
subat aucunes foyz bien loing de leur maison auquel elles
sont & voyent choses merueilleuses quelles nen sont riens/
mais par la grant faulte de foy quelles ont et par leur folle
creance & pource quelles sont en peche: car elles sont ydolas-
tres & sans foy le dyable leur monstre celles folles visions
en leur entendement pour les mieulx mettre en son lieu: car
a la verite elles ne se bougent de leur lieu n'emplus que vne
pierre. Et leurs visions sont semblables a celles d'ung hō-
me qui est yre auquel il semble que la maison tourne et il
doit cheoir sur luy/et que la terre tourne soubz ses piedz par
quoy il se laisse cheoir/et tout effoyz la maison ne la terre ne
se bougent. Parcillement le dyable leur mōstre ses visions
en son entendement et se monstre le dyable en forme & sem-
blance de quelque pcrsonnage lequel elles cōgnoissent qui
sera mort passe a vingt ans/ou trente ans: ou en forme et
semblance d'aucunes de leurs voisines et parler a elles fa-

misericordieusement comme se cestoit elles mesmes affin quelles le
croient & quil les decepuie plus facilement/mais il nen est
riens/ains est le dyable mesmes qui ainsi se monstre a elles
en corps fantastiques pour les decepuoir. Et aussi faict il
quil leur semble quelles sont par vng pre verß tout plain
de belles fleurs auquel elles font grant chere:mais il nen
est riens/car se ne sont que illusions faictes par lennemy de
nature qui leur met en leur entendement/et si leur semble
aucunefois quelles entrent dedäs vne maison les portes
closes et quelles prennent les fressures au corps d'ung en
fant/et les mangent:et vont au celier et boyuent d'autant
et du meilleur/et quant cest faict elles sen vont sans ce que
lenfant ayt nul mal et que le vin soit amoindry ne diminüe
au vaisseau qui est chose impossible:Car tous les sorciers
ne sorcieres du monde ne tous les dyables ne scauroient
faire passer vng grant corps humain par vne trop petite sea
nestre /ny entrer dedans vne maison quil ny ait passaige
ouvert pour y entrer/ne tirer les entrailles du corps d'ung
enfant sans letner ou blesser: et quant il seroit mort ilz ne
le scauroient iamais resusciter/et si ne scauroient tirer le
vin d'ung tonneau sans que au tonneau en ait moins vne
seulle goutte/car ce sont oeuvres qui seulement sont en la
puissance de nostre souuerain createur. Et pour ce mon en
fant tu ne dois adiouster foy a leurs sorceries et diuinemēs:
car ce ne sont que faulces illusions et abusions faictes par
lennemy de nature qui aucunefois leur reuelles aucunes
choses aduenir lesquelles il scait par coniectures comme ie
tuy dist deuant en parlant de la science du dyable. Et au
cunefois le dyable leur reuelera vng larcecin en leur di
sant verite/affin quilz croient mieulx en luy:et que le mal
faicteur soit plus diffame/et dira souvent verite affin quil
soit plus tost creu quant par sa faulce reuelation il vons

accusera quelque saint & deuot psonage duquel ne se peult autrement venger. Et pour ceste cause ne les doit on pas croire / car se ne sont que illusions & faulces visions de lennemy qui ne faict que mentir pour deceuoir shomme. Et ne dois pas croire telles ges car le diable na aucune puissance sur lhomme se ce nest que dieu le permette / & au regard des faeces quon dit qui souloyent estre au temps passe ce nestoyent hommes ne femmes naturels / mais estoyent diables qui se monstroyent aux gens de celluy temps / car ilz estoyent payens ydolastres & sans foy. Et se muoyent lesdictes faeces en plusieurs formes comme dung cheual ou dung chien ou aultre met qui est impossible a nature: mais le dyable se peult bien monstrier en plusieurs facons & manieres & charger les corps auquel il sera mis & en prendre vng aultre daultre forme cõte tu peulx muier ton habit en prenant lhabit dung religieux ou dune femme: mais a la verite toutes les sorciers du monde ne tous les dyables denfer ne scauoyent muier vne espee en aultre: cõme vng homme en vng chien / vng chie en vng asne: car deulx il est impossible de faire. Pourquoy tu peulx bien penser que ces faeces qui ainsi se monstrent en diuerses formes & especes nestoyent pas hommes ne femmes naultre chose naturelle: mais estoyent dyables qui ainsi se monstrent & que se mettoient en leurs ydoles & parloient & disoient aultres choses aduenir par aucunes pietures: cõme par les influences des corps celestes ou telz / car aultrement le dyable ne fait des choses aduenir. Et par ce moyen lesd. faeces disoient que les gens estoyent destinez les vng a bien et les autres a mal selon le cours du ciel & de nature. Lõc se vng enfant naïssoit a telle heure & en tel cours il estoit destine a estre pẽdu ou moie ou quil seroit riche ou pouure / ou quil espouscroit vne telle femme. Lesquelles choses sont faulces / car lhomme a este en son liberal arbitre & sa volente franche

de faire bien ou mal tellement que sil veult il ne fera pas
chose parquoy il soit pendu ne se mettra pas au dangier des
stre noye ne espousera ia femme sil ne veult. Et ainsi ces p^r
destinations seront toutes faulces. Par ces raisons on ne
doit point adiouster de foy car cōme dit le psalmiste. Vir sapiēs
dominabit astris. Cest adire lhōme sage dominera par des
sus les estoilles & planectes : car il ne se gouuenera pas se
lon la sensualite & inclination naturelle mais se gouuene
ra sagemēt par raison en ensuyuāt le bien & escheuāt le mal:
car la vōlētē de lhōme est si frāche que riens ne la peult des
franchir. Et se lhōme faisoit bien ou mal par force & cōtre sa
vōlētē il n'auroit pas liberal arbitre & ainsi la vie n'auroit
point de merite: laquelle chose est faulce & cōtre la foy. Par
quoy mon enfant tu ne le dois pas croire car il est defendu
sur peine de peche mortel & de damnatiō eternelle au regart
de ces mors & de ces esperitz & nuytins / et aussi de plusieurs
aultres visions qu'on voyt de nuyt ce sont diables qui se
mettēt en forme d'aucun trespasse en faignāt sa vōye pour
tempter la persōne d'aucun peche: car cōme dit le psalmiste
royal. Spiritus vādens & non rediens. Cest adire que des q
l'ame est partie du corps elle sen va au lieu quelle a desservy
sans iamais y retourner iusques au grant iour du iugemēt
general: se ce n'est par grant necessite & par grant miracle cō
me nous sifons du Lazare & de plusieurs aultres: mais nuy
tins / gibelins / & elequins que lon voit de nuyt: comme gens
darmes trottās a cheual a grās assemblees ce sont dyables
qui sont entre nous qui se mōstrēt en telle forme & plusieurs
aultres formes cōme d'ung cheual / d'ung chien / d'ung arbre
d'une pierre et en plusieurs aultres manieres pour tempter
lhōme d'aucun vice & pour le faire errer en la foy & aucuns
neffoys ces dyables viennent aux estables & trainent les che
uants & tournēt tout dessus dessous par derision de lhōme

¶

a pour le tēpter. Et aucunes fois ilz deliēt les petis enfans
a les gettēt du bres pour faire courroucer le pere a la mere a
souuēt tuent les enfans quāt dieu le permet par le peche du
pere a de la mere ou pour les esprouuer cōe il fit a iob quant
il permist q̄ le drable luy fist tāt de mauſp pour les prouuer
en sa grāde patiēce car sans la permission de dieu ilz nōt nul
le puissance mais sont cōme les bourreaux q̄ sans le conge
du iuge ne pēuent pēdre ne foyter aucun malſaicteur. Par
quoy mon enfant tu te dois retourner a dieu et a tous les
sainctz a viure saintement: a cōme dit le psalmiste. Non tīs
mebis a timore nocturno. Cest adire que tu nauras point de
paour de celles folles visions nocturnes: car ce ne sont que
illusions qui sont faictes par lennemy denfer cōme dit est.

Maistre peult lennemy estre contrainct a venir par parol
les ou par signes. Mon enfant nō fil ne le veult mais ce sont
les conuenances quil a avec ceulx qui sont de sa secte que en
disant aucunes parolles ou en faisant aucuns signes ou
caractes il vient a faict ce quilz demandent affin quil les tiē
ne mieulx en son lien.

Maistre que dictes vous de ces songes. Mon enfant tu
nen dois faire compte car ce ne sont que visions danlcunes
choſes en lesquelles on a pēse ou veues par auāt en veillāt.
Et songe lon souuēt en ce qui est semblable a la cōſolation.

Maistre cōmēt ſcauorēt iadis les pphetes ce q̄z veoyēt
par songes. Mon enfant ce neſſoyēt mye songes ſeulement
ains eſſoyent reuelations de dieu car avec la vision auorēt
vne ymagination et creance eſpeciale en la bonte de nōſtre
ſeigneur que ce quilz auoyent veu en dormant aduiendroīt.

Maistre puis que dieu deſcendit en terre pour ſauuer les
pecheurs pourquoy ſont ilz damnez. Mon enfant il neſt si
grant pecheur au monde que ſiſ recongnoist ſon neche et en
grie a dieu mercy de bon cuer quil ne luy ſoit pardonne par

le merite de la sainte passion de Iesuchrist / mais ceulx qui ne veulent recognoistre leur peche / ains y sont obstinez iusques a la mort ilz sont dânez eternellement / car dieu ne sault pas le pecheur qui ne se veult sauuer. Aussi paradis n'est pas merite par le peche ains en est perdu.

Maistre puis que dieu mourut pour nostre peche pour quoy sommes nous baptisez. Mon enfant car le baptisme est l'hommage que nous deuons a Iesuchrist par lequel tous pechez nous sont pardonnez. Et ainsi lordonna il come compte leu angille qui dit ainsi. Quicunq; baptizatus fuerit &c. Cest a dire que qui sera baptize quil sera sauue / et qui ne le sera il sera condamne.

Maistre quantes personnes serot sauuees. Mon enfant ilz seront autant de sauueez quilz eheurent de mauuais anges de paradis par leur orgueil / car les hommes et femmes sont faictz pour estre en leur lieu / et par ceste cause est lenneemy tant ennueuy contre l'homme.

Maistre dont vindrent les premiers ydolattes. Mon enfant ilz furent premier trouuez en abel maintenât appellee Babilone la grât. La naistra l'antecrist. La fut la tour auysgeans qui auoit quarante estages. La regna le premier roy de ce siecle qui sapelloit neron qui fit faire vng ymage d'apollin. La manda tous ceulx de son royaume quilz luy sacrifiasent La adorassent. Et ainsi firent ceulx q furent pres de luy tellement que quant aucuns grans princes estoient mors leurs successeurs faisoient faire des ymages riches a metzueilles au nom de leurs predecesseurs La faisoient adorer La sacrifier a leurs subiectz. Et estoient appelez ces ymages ydoles esquelles les dyables entroient La parloient La leur disoient beaucoup d'abusions. Et ainsi firent ceulx de grece a leur roy / et ceulx de romme a romulus La plusieurs autres come lon trouue par les escriptures La croniques anciennes.

Chaistre pourquoy ne fit dieu que l'homme ne mangeat que
 Vne foyz la sepmaine. Mon enfant la fain est Vne des pas-
 sions que nous souffrons par le peche de adam. Et si auons
 tous les iours fain & soif froit et chault / & plusieurs aultres
 passions affin que nous trauaillōs tons les iours pour sur-
 uenir a noz necessitez & de noz prochains affin que par nostre
 travail & labeur continuel nous ayons plus de merite : car
 se l'homme nauoit point de necessite il nauoit cure de travail-
 ler mais seroit tousiours en paresse : et ne scauroit que biens
 vault / & ainsi il mescongnoistroit son createur : & combien q̃
 les grans seigneurs & aultres riches ne se trauaillēt pas cor-
 porellement. touteffoys ilz se trauaillēt tousiours spirituel-
 lement cestassauoir en leur entendement & voulente ayant
 tousiours desir d'acquiescer : car qui plus a & plus deult auoir
 & plus a de pēsemēt. Et par ainsi mō enfant nul ne vit sans
 peine mais a chascun a beaucoup d'affaires en son endroict.
Chaistre que signifiet les mysteres & cerymonies que l'on
 faict a l'esglise. Mon enfant elles nous mōstrēt bon exēple &
 no^r figurent le viel testamēt & le nouuel. Et est loue nostre
 seigneur Iesuchrist a l'heure de matines : car a telle heure il
 fut prins des iuifz & mene aux grans prestres de la loy cōe il
 est escript es heures de la croix. A prime / a telle heure fut me-
 ne a pylate ou il fut faulsemēt accuse & vilainemēt flagelle.
 A tierce : car a telle heure il fut courōne de spine & vestu de pour-
 pre par derision : & vestu d'une robe blāche en la maison de he-
 rode par grāde mocquerie. A septe car a telle heure il fut pē-
 du & cloue en la croix. A nōne : car a telle heure il mourut en
 la croix. A vespres : car a telle heure son pēieux corps fut des-
 scēdu de la croix & oing de pēieux oignemēs. Et a cōplie : car
 a telle heure il fut ensepuely. Et dois scauoir quen la messe
 no^r est figure la mort & passio de iesuchrist. Lōme par l'aube
 la robe blāche dōt il fut vestu. Et par la chasuble la robe de

pourpre. Et dit on lespitre a la dextre: car elle enseigne la bē
ne vie q̄ meine a la dextre de paradis. Et dit on leuangel a
la senestre: car par la senestre no⁹ est signifie peche: car leuā
gile est la plus forte & de plus grāt vertu: & pource est mise a
la senestre pour no⁹ defendre cōtre le peche: car on doit tous
iours mettre le plus fort deuers la ptie dōt il vient le corps.
Et sont bouchees les ymages demon strant que Dieu et les
sainctz ont abhominacion de noz pechez. Et a bief parler il
n'ya cherimonie q̄ ne nous demōstre aucun grant mystere.
Maistre commēt se doit on cōfesser. Mon enfant tu dois
premieremēt examiner ta conscience en recordāt les lieux &
places ou tu as este & cōmēt tu y as vescu: car il n'est chose q̄
mieux face souuenir ses pechez que recorder les lieux ou lō
a este. Et en ce faisāt tu dois examiner ta 2^{sc}iēce. Premieres
mēt de tes cinq sens naturelz: cest assauoir des pens^{es}: des au
reilles: des mains: des piedz: des atouchemēts: de la bouche:
du nez & de ton cuer. Secondement des sept pechez mortelz
& de leurs brāches q̄ sont sept: cest assauoir orgueil: auarice:
enuie: ire: gloutōnie: luxure & paresse. Tiercement des douze
articles de la foy q̄ sont contenus au credo. Quartement
des dix cōmādemēts de la foy lesquelz nostre seigneur bailla
a moysse. Quintemēt des sept oeures de misericorde se les
as acomplies quāt tu le pouuois bien faire. Septement des
sept sacremens de sainte eglise se tu y as en parfaicte crea
ce: & se tu les as hōnorez & gardez cōe vng bon crestiē doit fai
re. Et septiesmemēt des sept vertus cardinales se tu les as
eues & gardees cōe tu es tenu de faire. Et ce faict tu ten dois
aller cōfesser en grāt humilite & trition & desplaisance de tes
pechez ayāt ferme ppos de nō plus les cōmettre: car aultres
mēt tu ne ten repētiroyes pas parfaictemēt & ainsi ta confes
sion seroit nulle. Et quāt tu seras deuāt ton 2^{se}ssieur en grā
de humilite luy cōfesseras tes pechez entieremēt q̄ l'entēde en

luy disant toute la forme & maniere commēt & pourquoy tu
les as commis & si dois dire le tēps, le lieu si t'en souuiet: car
se tu peches aux festes tu peches plus grieuement que aux
iours ouuriers: & se tu peches en lieu saint tu peches plus q
en vng aultre lieu. Et en toy confessant tu dois tenir ordre
en cōfession en disant par ordre tes pechez. Lōme tu les au
ras recorder deuāt affin q tu nen oublies point. Et dois tout
dire a tout bon confesseur: car si tu en laisses a ton escient
vng par hōte: ou aultremēt ta confession seroit nulle car el
le ne seroit pas entiere. Ne aussi tu ne dois pas partir ne dis
uiser ta confession en disant la moitie a vng: & laultre moy
tie a vng aultre: car aussi elle nest pas entiere: et ne vau
t riens: mais dois cōfesser entieremēt a vng tout ce q te peut
souuenir: toutteffoys si apres ta cōfession il te souuient d'au
cune chose tu t'en peulx cōfesser a vng aultre: mais encores
tu feras mieulx de retourner au p̄mier si tu peulx. Ainsi mō
enfant tu dois confesser les circoſtances de tes pechez en di
sant ce q tu esmeu a peche & la forme & maniere q tu as tenue
en cōmettant ton peche: & le mal qui en est venu a aultruy &
a toy mesmes. Tu dois aussi cōfesser du mauuais exēple q
tu as dōne a aultruy par ton peche. Et nōobſtāt que n'ayes
point cōmis le peche toutteffoys tu te dois cōfesser de la vou
lente & cōsentemēt que tu y as eu & de la peine q tu as prise a
le commettre: car qui consent seulemēt a peche s'il est mortel
il peche mortellemēt cōme te ſmoigne le ſainct euāgile. Aus
si mon enfant tu dois dire la dignite de la personne en laq
le tu as cōmis ton peche cōme celle estoit vierge: ou mariee:
ou religieuse: ou ta parente: ou femme publique ſans nōmer
aultrement: car en ta cōfession tu ne te dois pas confesser
des pechez d'aultruy ne le diffamer: mais seulement dire son
estat pour declarer la grādeur de ton peche car tant plus di
gne est le personnage en qui commis est le peche tant plus

grant il est. Et quant tu auras bien confesse tous tes pechez
desqz il te recorde tu en dois crier a dieu mercy de bon cuer
en grande contrition ⁊ desplaisance ⁊ en demander a ton cō
fesseur qui est lieutenant de dieu absolution penitence saqz
le tu dois accomplir entierement a ton pouoir en grant res
uerence ⁊ te dois garder de pecher tant que tu pourras ⁊ et
principalement durant le temps de ta penitence.

¶ Maistre a qui se doit on cōfesser. Mon enfant a vng pstre
discret ⁊ sage q sache quest peche ⁊ q ne saist pas ⁊ qui sache
discerner entre peche mortel ⁊ peche veniel: car qui se cōfesse
a vng prestre qui est non seauāt ⁊ ignorāt il met son ame en
grant aduēture: car bien souuent la cōfession ne vaulst riens.

¶ Maistre se peult on cōfesser a aultre que a son cure. Mon
enfant si tu es en pays estrāge ta te peult cōfesser a celsuy q
tu vouldras: ⁊ si tu es en ta parroisse ⁊ tu ne te vensy confes
ser a ton cure car il est ignorant: ou que ton peche touche sa
personne: ou q reuele la cōfession: ou q en pourroit aduenir
aucun esclandre: ou par plusieurs aultres raisons tu luy
dois demander licence: ⁊ sil ne te la vult dōner tu en peult
prendre vng aultre de ton auctorite mais si tu te vensy cō
fesser a ceulx qui ont le pouoir de leueque ou du pape cō
font plusieurs grans clerz et grans prescheurs tu le peult
faire sans le congie de ton cure: ⁊ pose que tu te soys confes
se a ton cure vne fois lan tu te peult cōfesser ailleurs tant
souuent que ta vouldras sans son congie.

¶ Maistre cōment ⁊ dont viēdra l'antecrist. Mon enfant il
naistra en babilone d'ung mauuais hōe ⁊ d'une mauuaise
femme q seront de la lignee de dan ⁊ des le ventre de la mer
re il sera plain du mauuais esprit: ⁊ sera nourri ⁊ cōme
en enchantemens ⁊ sera empereur de tout le siecle: ⁊ mettra
le peuple soubs luy par quatre manieres. C'est assauoir les
princes et aultres riches et auaricieux par dons: car il aura

par ses enchantemens tout le tresor misse en terre. Les pour
ures par grât paour & rigueur de iustice: car il les fera grieu
uement martyriser. Le clergie par science dont il sera plain:
car il scaura les sept ars liberaux & toutes les aultres escri
ptures. Et les deuotes personnes par signes & miracles qui
seront merueilleux: car il fera descendre du ciel le feu q̄ brus
lera ses ennemys denât luy: & si fera les mors resusciter non
pas drayemēt: mais le dyable entrera aux corps d'aucuns
damnez que les dyables luy apporteront et tantost les fera
parler par son enchantement et cheminer cōme silz fussent
vifs: & reedifiera hierusalem/ aussi illec se fera adorer cōme
Dieu & sera receu en grant honneur: & viendra son a luy de
toutes pars & fera ressembler au peuple par ses enchâtemēs
quil mourra & quil resuscitera. Et se fera leuer en hault par
les dyables disant quil sen monte en gloire en paradis. Et
lors dieu voyant son grât orgueil y enuopera des anges de
paradis pour le confondre/ tellement que les dyables qui le
leueront sensuyront & le laisseront cheoir en terre tant quil
baillera si grant coup a terre quil esclatera/ tellement q̄ les
tripes luy sauldront hors du ventre. Et ainsi mourra mes
chamment: & les dyables l'emporteront visiblement en ens
fer. Lors ceulx qui par luy auront este deceuz se retourner
ront a dieu & aux saintes predications de Helias & Enoch
quilz auront parauant ouyes & seront pfermez en la sainte
foy de Iesuchrist. Et auront. pl. iours despace pour faire pe
nitence: et tantost apres souffriront moult aspre mort.

Maistre en quel eage viendront enoch & helpe. Non en
fant ilz viendront en seage cōme ilz estoient quāt ilz furent
rauis en paradis terrestre auquel ilz sont encores et seront
insques a la venue de l'antecrist qui les occira. Et regnera
par troyz ans et demy: et mettra son siege au mont dolinet
pour vaincre & suppebiter les iustes hōmes. Et mourra illec

de mort subite & vilaine par la bousente & commandement
de nostre sauveur & redempteur Jesuchrist cōme dist est.

Maisre quest ce que resurrection. Mon enfant cest quāt
on renient de mort a vie: & en y a deux/ cest assauoir la resurre
ction de lame quāt elle est morte par peche & retourne en vie
vie par p̄fessio & penitēce. Et l'autre resurrectio est du corps
cōme quāt le corps q̄ est mort retourne en vie quāt lame se
retourne au corps cōme no^s lisons du Lazare & de plusieurs
autres: et comme nous serons tous au grant iugement.

Maisre a quelle heure & en quel temps resusciterōt tous
les humains. Mon enfant nous resusciterōs tous a tel iour
et a telle heure que nostre seigneur Jesuchrist resuscita cō
me a pasques. Et seront les bons ravis en lair avec les au
tres bons qui seront resuscitez. Et en cestuy ramissement ilz
mourront et tantost apres resusciteront. Et ainsi croyons
nous qui fut faict de nostre dame/ et de saint Jehan euang
geliste. Mais les mauuais mourront a terte en grant an
goisse de la grant paour quilz auront. Et seront tous en les
age que nostre seigneur Jesuchrist estoit quāt il mourut en
la croix: cest assauoir de trente a trops ans.

Maisre resusciterōt ilz en celle mesme chair quilz aurōt
Vescu en ce monde. Mon enfant ouy: car se vng hōme estoit
mange d'ung loup & celluy loup d'ung autre & l'autre d'ung
Ayon si resuscitera il en son p̄pre corps entieremēt sans q̄l y
faulle riens a la perfection de nature: car cōme dit la sainte
escripture. Lapillus de capite vestro nō peribit. Cest a dire
quil ne se perdra pas vng seul cheuen de teste q̄ tout ny soit
entieremēt: car celluy qui aura faict tout de non rien scanra
bien reparer vne matiere dauēc l'autre & la retourner en son
entier & mieulx q̄lle n'estoit deuant. Et par ainsi ceulx q̄ au
ront este bossus ou boitens & mal formez: ou q̄ aurōt en fant
te d'aucuns mēbres seront droitz et parfaictz entierementz

mais les dānez ne seront fors que telz quilz furēt ou enissent
eſte en leage de. xxx. ans. Et des quilz seront reſuſcitez: ias
mais ne mourront ains viuront les bons en gloire eternelle
lement: & les mauuais viurōt touſiours en mourāt au ſeu
denfer ou ilz brūſeront ſans pouoir eſtre cōſumez aulcunes
ment: mais ſeront en celle peine & douleur eternellement.

Maistre a quelle heure ſe fera le iugement. Mon enfant
a mynuit a l'heure que dieu deſcendit en enfer.

Maistre comment viendra dieu au iugement. Mon en
fant comment il eſtoit quant il monta au ciel.

Maistre ou ſe fera le grant iugement. Mon enfant il ſe
fera en la vallee de ioſaphat qui vault autant a dire comme
val de iugement: laquelle eſt pres de hieruſalem pour q'on
die les mauuais quant ilz verront le lieu auquel noſtre ſei
gneur mourut pour les pecheurs. En icelluy lieu ſerōt to
les bons & les mauuais. Et les bons auront leurs bōs an
ges avec eulx: & les mauuais auront leurs mauuais an
ges. Et ſeront tous de leage queſtoit noſtre ſeigneur quant
il mourut en la croix: ceſt adire. xxxii. ou. xxxiii. ans. Et
ſeront les bons eſleuez en lair avec dieu et les ſainctz: mais
les mauuais ſeront a terre avec les dyables par la grauite
de leurs pechez: & ſe monſtrera noſtre ſeigneur en deux ma
nieres: ceſt aſſauoir aux bons cōme il eſtoit quāt il ſe tranſ
figura en la montaigne de taboz: mais aux mauuais il ſe
monſtrera cōme il eſtoit quant il pendit en la croix. Et ny
ſera point le boyſ de la croix: mais y ſera vne belle & tresclē
renuee en la forme et ſemblance de la croix. Et ſeront avec
noſtre ſeigneur la vierge Marie dūg couſte: & ſainct Jehan
Baptiſte de l'autre et les douze Apōſtres qui iugeront avec
dieu cōme teſmoigne ſeu angile q' dit ainſi. Sedebitis & vos
iudicantes d'no decim tribus iſrael. Et dira noſtre ſeigneur
Jeſuchriſt aux bons. Venez a moy vous qui eſtes les biens

urez filz de mon pere & ie vous dōneray le royaume de paradis lequel vous est apreste des le cōmencemēt du monde: car quant iay eu sain vous mauez repeu en nourrissant les pouures qui sont mes mēbres: quāt iay eu soif vous mauez donne a boire: quāt iay en froit vous mauez chauffe: quāt ieloye nud vous mauez reuestu & auez faict plusieurs oeuvres charitables desquelles ie vous veulx maintenant rescompenser. Et au p̄ mauuais & en gettant sa sentence dira ainsi. Allez mauditz au feu eternel denfer lequel vous est appareille des le cōmencemēt du mēde avec to⁹ les dyables. Et ce faict nostre sauueur & redēpteur iesuchrist et tous les sainctz & saintes/anges & archanges sen monteront avecques les bons en la gloire eternelle de paradis: et les mauuais descēdront en enfer avec tous les dyables dōt iamais plus ne sauldront: mais seront tousiours en peine/ douleur et tristesse au puant feu denfer eternellement.

Maistre qui seront ceulx q̄ seront damnez. Mon enfant ce seront les iuifz & mescreans & les mauuais chrestiens qui seront mors en peche mortel sans sen confesser et repentir. Et verra lon clerement au iour du iugement la conscience l'ung de l'autre par laquelle vng chascun se iugera de luy mesmes: & en ceste maniere seront sceus tous biens & maulx: car oncques nul ne fit ne fera aucun mal ne peche tant secret soit il qui ne soit alors deu/ seu et clerement manifeste publiquement deuant dieu et deuant le monde.

Maistre quelles sont les ioyes de paradis. Mon enfant elles sōt si tresgrādes qu'on ne les scauroit dire: car les sauueuz verront dieu face a face et scauront toutes choses cōme les anges. Les corps des sauuez seront clers & reluisans cōme le soleil: ilz seront incōtinēt ou ilz vouldront cōme la pierre qui est incōtinēt transportee ou elle veult. Ilz nauront point de honte d'estre tous nudz l'ung deuant l'autre: car ilz

seront tous purifiez de peche & seront tellemēt confermez en grace en lamour de nostre seigneur q̄ iamais plus ne pourrout pecher ne auoir aucun mauuais pensemēt. Ilz nauront ne fain ne soif: car ilz ne serōt plus subiectz aux influēces des planettes moyēnant lesquelles se faict la digestion au corps humain: mais seront incorruptibles & perpetuels & repeuz de la grace de Dieu. Ilz ne scauront cesser de rendre graces a dieu de la grant grace que il leur aura faicte. Et a brief parler les ioyes de paradis sōt si grandes quil n'est entendemēt humain qui les sceust comprendre: car se tous les biens et lyeses qui sont furent & seront au monde estoient ensemble ce ne seroit riens a la comparaison de la moindre gloire de paradis: car toutes les ioyes de ce mōde sont transitoires et se passent comme fumee: mais les ioyes de paradis sont perpetuelles et sans fin.

Maistre quantes ordres d'anges sont en Paradis. **R**on enfant il en y a neuf. Le premier est appelle lordre des seraphins qui est le plus hault. Le secōd des cherubins. Le tiers des thrones. Le quart des puissances. Le v. des princes. Le six. des seigneuries. Le sept des vertus. Le huit des archanges. Et le neuf des anges qui est le plus bas. Et tous les sainctz & sainctez de paradis sont par dessus ces neuf ordres comme seigneurs par dessus leurs seruiteurs.

Maistre auons nous chascun vng bon ange q̄ nous garde. **R**on enfant chascun a son bon ange q̄ le deffend du mauuais & lincite a bien faire. Et aussi eut Iesuchrist des bons anges pour luy mynistrer. Et l'antecrist en aura vng qui le gardera de faire tant de mal quil pourroit bien faire. Et ses anges sont du dernier & du plus bas ordre qui est pprement appelle lordre des anges comme ie t'ay maintenant dit.

Maistre pourquoy pert la Lune aucunne fois la clarte. **R**on enfant la lune n'a nltre clarte q̄ celle q̄ le Soleil luy

donne si aduient souuēt que la terre se trouue entre le soleil
et la lune tellement que le soleil ne luy peult dōner clarte.
Lors elle est toute noyre: car la terre luy faict ombre. Mais
quant la terre n'est pas droictemēt entre deuy: mais aulcune
partie seulement lors elle est clere de tant que le Soleil la
peult veoir. Et quant la terre n'est nullemēt entre deuy elle
est toute clere: car il n'y a riens entre deuy et pour ceste cause
a la Lune tousiours le dos vers le Soleil.

¶ Mais tre quelle chose est l'arc q nous voyons en l'air. **¶** En
enfant ce sont les rais du Soleil qui se meslent en la matie
re de la Lune qui est espesse & empaignent quatre couleurs
par la matiere de la Lune qui est disposee a telles couleurs
recepuoir comme plusieurs fleurs qui sont disposees a rece
uoit plusieurs et diuerses couleurs selon la nature des her
bes et du lieu auquel elles croissent.

¶ Mais tre dont viennent ces vents/tonnerres/gelees/neiges/
pluyes/rosee & telles semblables choses. **¶** Mon enfant tous
tes ces choses viennent d'aulcunes vapeurs qui s'enliuent de
la terre en hault par la vertu du Soleil desquelles les vnes
sont seches & les autres humides. Quant celles q sont hu
mides sont esleuees iusques a la moyēne region de l'air qui
est trefroide elles se font espesses et commencēt a degouter
et de la vient la pluye/ & quant le froit est fort & detraignant
l'assus & s'assemblent & se congelent & de la vient la gresle. Et
quant ces gouttes tombent cas bas & trouuēt ceste basse re
gion de l'air froide cōme en puer elles se cōgēlent moyēnant
le vent qui est froit/ et de la viennent les neiges. Et est faicte
ceste rosee de celles mesmes vapeurs lesquelles quant elles
descendent sur terre & trouuēt froide se quertissent en rosee.
Mais quant ces vapeurs sont seches & legieres elles se liuent
plus hault en la tierce region de l'air qui est chault & car elle
touche la region du feu. Et ainsi quant ces vapeurs seches

que les elert; appeellent epalations passent en lair & se renz
contrèt les vnes contre les aultres les plus fortes reculent
les plus debiles par la vertu du soleil & de la lune/ & la biens
nent les vens. Et quant ces epalations sen passent en
montant par la moyenne region de lair qui est tressfroyde
elles se meslent avec la nuee & senconèt dedans la nue & la
chaleur du Soleil frappe entre ces nues tellement que ces
epalations chaudes q̄ sont incluses dedans ses nues veul
lent saillir/ mais elles ne peuent: car la nuee est froide & es
pesse qui tient ses epalations incluses/ se ce nest par grant
force violente. Et quāt elle rompt elle faict vng grāt bruit
en lair/ cest le tonnerre: & en rompāt ces epalations saillent
de la nuee qui sont en flambe/ & cest le sparnissement. Lors
celle epalation enflambee se mesle & brusse avec la nuee. Et
quant la matiere est presque gasteē elle tombe ca bas toute
enflambee/ & la foudre qui est plus chaude que vng sen ar
dant: car le feu dānōt est beaucoup plus chaust q̄ nest celluy
de ca bas: mais quant ces epalations ne treuvent point de
nuee en montant elles sen montent en la tierce region de
lair qui est chaude: car elle touche la region du feu et alors
senflambent & brussent & semble estre estoilles. Et quant la
matiere est presque brussee elle tombe et cest ce q̄ nous sems
ble que les estoilles eheent ca bas.

Chastre pourquoy est la mer salce. Mon enfāt cest pour
la matiere sur quoy elle est assise & de la nuee qui la font sa
lce. Et la lune la faict courre & recourre: car comme l'aymāt
attrait a soy le fer/ aussi la lune attrait a soy la mer.

Chastre quez signes fera dieu deuant le iugemēt. Mon
enfant il en fera. p̄d. qui serōt grandement merueilleux et
espouuētābles. Le premier sera que la mer montera en lair
par dessus toutes les montaignes de quinze coudres. Le se
cond que la mer descendra en abyssne si bas qu'on la perdra

de Vene. Le tiers que la mer refontnera en son p̄mier estat.
 Le quart que les poissons de la mer s'assembleront a grans
 monceaux et crieront et se plaindront moult piteusement.
 Le. v. que les oyseaulx s'assembleront a grans monceaux
 faisant piteux plains et chantant moult piteusement sans
 boire & sans manger. Le. vi. que les fouldres viendront dor
 rier vers occident & brusleront tout ce quilz rencontreront.
 Le. vii. que les estoilles auront leurs rais cōme longz poilz
 pendans. Le. viii. que toute la terre tremblera tellcmēt par
 tout quil ne sera beste au monde qui puisse demourer sur ses
 piedz sans cheoir. Le. ix. que les pierres & grosses roches sen
 dront hūrtāt lune & lautre tant quelles deuendront toutes
 en pouldre. Le. x. que les arbres & herbes sueront vne rosee
 rouge comme sang. Le. xi. que les montaignes se hūrtent
 lune cōtre lautre de si grant force quelles retourneront en
 pouldre. Et a ce iour tous les bastimens du monde tremble
 ront & ny demourera pierre sur pierre. Le. xii. que les bestes
 sauuages sauldront des boys & sur la terre feront criz hor
 ribles en se plaignant trespiteusemēt. Le. xiii. que les hom
 mes & femmes prout par terre comme sans sens & sans bois
 re ne mēger & sans pouuoir parler lung a lautre par la grāt
 destresse quilz auront au cuer. Le. xiiii. que toutes sepul
 tures et tombeaux des trespassez souuiront affin que les
 mors sen aillent quāt ilz seront resuscitez. Le. xv. que tous
 ceulx qui lors viuront sur terre mourront & puis ilz resuscis
 teront avec tous ceulx qui aūront este mors des le commen
 cement du monde iusques a la fin qui sera alors. Et ressu
 sciteront tous a la Voiz d'aucuns anges qui crieront en di
 sant. Mors leuez vous sus & Venez au iugement. A laquel
 le Voiz ilz resusciteront tous en vng moment ilz seront
 transportez en la Vallee de Josaphat ou sera incontinent le
 grant iugement de dieu.

E Maistre comment se peult on bien sauuer. Mon enfant en ayuant Dieu plus que toy mesmes & ton prochain comme toy mesmes.

E Maistre quels sont les sacremens de sainte eglise. Mon enfant il en ya sept: cest assauoir Baptisme: Confirmation: Confession: L'ordre de prestre: Le sacrement de L'autel: L'ennuyement: Et le sacrement de mariage.

E Maistre combien ya il de chemin dicy en paradis et dicy en enfer. Mon enfant cest assez questionne iusques a vne aultre fois. Mais dieu nous doint la grace de foruoyer le chemin denfer & de si bien ensuyure le droit chemin de paradis que nous y puissions tous paruenir. Amen.

E Cy finist Lucidaire fort vtile et proffitable a chascun vray chrestien. Imprime a Lyon a la maison de feu Barnabe Thauissard: pres nostre dame de Confort. Le. xxvii. iour de Mars. Lan Mille cinq cens et quarante.

